

# **Landesbibliothek Oldenburg**

**Digitalisierung von Drucken**

**Samuelis De Cocceji, Henr. Fil. Sacræ Regiæ Majestatis  
Borussicæ Magni Cancellarii, A Consiliis Sanctioribus  
Status Et Rei Bellicæ, Ordinis Nigræ Aquilæ Equitis Etc.  
Jus Civile Controversum Ubi ...**

Opus Ad Illustrationem Compendii Lauterbachiani ...

**Cocceji, Samuel von**

**Lipsiæ, 1766**

LIB. XLVIII. TIT. VIII. Ad L. Corneliam De Sicariis.

**urn:nbn:de:gbv:45:1-9050**

RESP. Loquitur de ea, quæ in animo consistit, & salva est etiam in ea, quæ vim passâ est.

Qv. XVI. *Ad quidnam stuprator teneatur stupratae?*

*Laut. pag. 692. verb. fornicatio.* Vid. *supr. tit. de Agnos. vel alend. lib. qu. 2.*

Qv. XVII. *Quinam gradus sint prohibiti, quænam ratio prohibitionis?*

De gradibus prohibitis supra egimus *tit. de Ritu Nuptiarum.*

*Laut. pag. 692. verb. in gradu prohibito.*

LIB. XLVIII. TIT. VI.

## AD L. JULIAM DE VI PUBLICA.

Qv. *Quando videatur fracta pax publica?*

*Laut. pag. 693. verb. que incidit in crimen.* RESP. Quando quis vi publica, coadunatis armatisque hominibus, animo juris sui vi propria vindicandi, vel illatæ injuriæ ulciscendæ, alium invadit, *Dn. Par. Prud. Jur. publ. c. 32. §. 11.*

Ex hac causa agitur immediate in Camera, etsi reus sit mediatus, *ibid.* Pœna hujus delicti est proscriptio, sive bannum, quod est ( $\alpha$ ) simplex; vel iteratum; ( $\beta$ ) delicti, vel contumaciæ, de quibus *d. c. 32. §. 12.*

Eadem pœna obtinet in causâ fractæ pacis religiosæ, *d. c. 32. §. 13.* etiam contra proprium Magistratum, *ibid. §. 14.*

LIB. XLVIII. TIT. VIII.

## AD L. CORNELIAM DE SICARIIS.

Qv. I. *An animo vulnerandi aliquem occidens hac Lege teneatur?*

*Laut. pag. 695. verb. si quis instrumentum.* AFFIRMATUR: modo mors ex vulnere sequatur, *Laut. h. p. 695.* Nam qui aliquid facit, unde scit, mortem sequi posse, ex omni causa tenetur: certum enim est, vulnera ad mensuram non dari. Unde nervose in *L. i. §. 3. h.* dicitur: voluntatem occidendi *ex re* colligi, i. e. ex instrumentis, quibus utitur, ita enim Basilici explicant illum locum, *animus ex instrumento percussoris demonstratur*: nam si gladium strinxerit, eoque percusserit, indubitate occidendi animo id eum admisisse censeat Hadrianus *d. L. i. §. 3. Conf. Carpz. Pract. Crim. Part. 1. qu. 1. n. 25. 28. & 55. seq. Matth. de Crim. L. 48. ff. tit. 5. c. 3. n. 4.*

Qv. II.

Qv. II. *Si plures unum interfecerint in turba, quid juris?*

**R**ESP. Vel omnes lethaliter vulnerarunt. & omnes tenentur poena *Laut. pag. 695. verb.* ordinaria Legis Corneliae, L. 54. ad L. Aquil. vel omnes vulnerarunt, sed non lethaliter, tunc omnes tenentur de vulnerato, etsi unum *si plures unum.* vulnus sit lethale; & sic omnes extra ordinem puniuntur, arg. l. ii. §. 2. ad L. Aqu. Carpz. Prax. Crim. qu. 25.

Qv. III. *An poena ordinaria locum habeat contra propinquantem venenum, etsi non appareat, eum animo occidendi id fecisse?*

**N**EGAT *Lauterb. h. p. 696.* Sed affirmativa verior videtur, per *L. Laut. pag. 38. §. 5. de Pæn. 696. verb.* ubi propinans venenum, ex quo homo moritur, punitur morte, etsi dolo id non fecerit, quia est res mali exempli. *modo constit.*

OBST. L. 3. §. 2. h. ibi: *hominis necandi causa.*

RESP. Ex omni veneno noxio homo necari potest.

OBST. d. l. 3. §. 2. ubi foemina, quæ non quidem malo animo, sed malo exemplo foecunditatis poculum ac conceptionis medicamentum dedit, relegatione tantum punitur.

RESP. Loquitur ibi de medicamento dato in finem licitum, scil. conceptionis, ubi intentio bona est, sed res mali exempli: hoc factum non potest ordinaria poena castigari; at ubi noxia medicamenta dantur, ibi & intentio mala, & res mali exempli est.

Qv. IV. *An ex hac Lege teneatur, qui mandat, aliquem vulnerari gladio, expressè autem prohibeat occidi?*

**A**FFIRMATUR: nam (1) qui ipse animo saltem vulnerandi occidit, tenetur de occiso; *vid. supr. qu. 1.* Eadem autem, quin maior ratio est, si per alium id facit; quia minus confidere potest in *Laut. pag. 697. verb. idem est.* aliena cautione, quam in sua. (2) Sane qui operam dat rei illicitæ, uti qui vulnus mandat, tenetur de toto eventu, & ad omnia, quæ ex illo mandato sequi possunt, L. 3. L. 8. §. 5. de Pæn. L. 16. §. 8. eod. Certum enim (3) est, vulnera ad mensuram non dari, nec mortem præcise caveri posse. Unde (4) in L. 4. pr. h. nihil interesse dicitur, occiderit quis, an causam mortis dederit. Atque ita (5) rem decidunt *Matthæi de Crim. p. m. 544. W. ssenb. ad Inst. Disp. 37. n. 18. Harpr. & Frantzsk. apud Laut. h. p. 697.*

Rr rr 2

OBST.



OBST. *L. 10. C. de Procur.* ubi procurator ad unam speciem constitutus, non potest obligare dominum, si excedit mandatum.

RESP. Verum est in re licita, & si fines servare sit in ejus potestate: sed & non sunt excessi fines, quia læsio & occisio non possunt separari; uno ergo mandato, alterum necessario mandatum videtur.

OBST. *L. 7. h. ubi culpa non venit.*

RESP. Non est culpa, sed dolus, mandare actum, quem sequi potest homicidium, ut mandatarius impedire id nequeat.

Jure Canonico pœna extraordinaria obtinet. *Cap. fin. de Homic. in 6.*

Qv. V. *An nudum consilium, si mors illud sequatur, ordinariae pœnae locum faciat?*

*Laut. pag. 697. verb. nudum consilium.* NEGATUR: nam (1) non est causa homicidii, quia æque secutum fuisse, (2) Consilium in Jure nunquam habetur pro mandato, *L. 10. §. 7. Mand. L. 2. §. f. eod. L. 1. §. 14. Depos.*

OBST. *L. 15. ff. h. ubi nihil interesse dicitur, an quis occidat, an causam præbeat.*

RESP. Non est causa, si alter æque facturus fuisset.

OBST. Quod alios suadendo juvisse, instar sceleris sit, *L. 16. pr. de Pœn.*

RESP. Est omnino instar sceleris, & puniri quoque potest, sed non ex Lege Cornelia,

OBST. Quod in furto tamen teneatur is, qui opem tulit, & consilium dedit, §. 11. *Inst. de Obl. quae ex del. L. 54. §. 4. de Furt.*

RESP. Si opem tulit, tunc & fur, & homicida est, sed tunc non est nudum consilium.

Adæoque aliud est, si non nudum consilium det, sed speciale, cum aliqua demonstratione; tunc enim est socius criminis. *Vid. Dn. Par. Diss. de Soc. crim. Sect. 2. §. fin. & exemplum de incendiaria refertur ibid.*

Qv. VI. *An detur veneficium, per pactum cum diabolo initum?*

*Laut. pag. 698. verb. ejusmodi.* Equidem vix est, ut credamus, vera ejusmodi pacta contrahi; sane ex plerisque exemplis hætenus apparuit, nugæ venditari & umbram. Si tamen apparet, aliquem eo sceleris pervenisse, ut tale pactum ex sua parte perficiat, hoc ipso delinquit; licet enim illusio sit, tamen putat, se pacisci, & vult, adeoque revera Deo abnegat, indeque verum læsæ Majestatis Divinæ crimen committit.

Qv. VII.

Qv. VII. *An hodie indifferenter omnis incendiarius, sive in urbe, sive extra urbem, concremetur?*

NEGATUR; sed rectius hodieque distinguitur inter incendium, *Laut. pag. 698. verb. hodie incendiarii &c.* urbe factum, ubi poena ignis obtinet, *L. 9. de Incend. ruin. & extra urbem, ubi deportatio, L. f. de Incend.*

OBST. *Art. 25. Ord. Crim.* ubi hæc distinctio non habetur.

RESP. Statutaria Jura explicantur & suppleuntur ex Jure Communi, & Leges istæ novæ semper intelliguntur salvis exceptionibus Juris Communis, maxime in poenalibus tanti præjudicii, *Laut. Comp. p. 1.*

Quoniam usu plurimorum locorum, & in ipsa quoque Viadrina Facultate, contrarium receptum sit. *Vid. Laut. p. 698. ibique Dd.*

Qv. VIII. *An quis obligetur ex incendio, culpa levissima dato?*

NEGATUR, si in rebus, quæ incendio pereunt, saltem *Laut. pag. 699. verb. levissima.* culpa præstat; quia tunc culpa levissima pro casu est, qui nocet rei domino. At si *levissimam* quoque in illis rebus quis præstat culpam, tenetur restituere damnum; quia culpa ejus non debet tertio esse damnosa.

OBST. *L. 44. ad L. Aquil.* ubi in Lege Aquilia quis tenetur ad damni, levissima quoque culpa dati, restitutionem.

RESP. Quia in L. Aquilia ex natura negotii semper levissima culpa præstat: cujus rei rationem vidimus *supr. tit. de L. Aquil. qu. 3.*

LIB. XLVIII. TIT. IX.

## DE L. POMPEJA DE PAR- RICIDIIS.

Qv. *An poena hujus Legis etiam obtineat inter affines collaterales?*

NEGATUR, *L. 1. L. 3. L. 4. h.* Sane crimen hoc non committitur *Laut. pag. 700. verb. & collaterales.* ultra quartum gradum cognationis; nec ullibi mentio sit affinitatis, nisi lineæ rectæ. Idque hodie multo magis observari debet, ubi poena gravior est.

LIB. XLVIII. TIT. X.

## DE L. CORNELIA DE FALSIS ET SENATUSCONSULTO LIBONIANO.

Qv. *An error excuset a poena falsi?*

Rrrr 3

AFFIR-

